



Broj: 15-03-16-5-63-29/22  
Datum: 26.10.2022. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 69. stav (2) tačka e) i člana 70. Zakona o javnim nabavkama („Službeni glasnik BiH“, br. 39/14 i 59/22) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi

### **O D L U K U** **o poništenju postupka nabavke**

#### **Član 1.**

Poništava se postupak javne nabavke **usluga čišćenja kancelarijskog prostora u Banjoj Luci**, objavljen na Portalu javnih nabavki Bosne i Hercegovine, Obavještenje o nabavci broj 1110-7-2-63-3-85/22 od 13.9.2022. godine, a koji je proveden postupkom konkurentskog zahtjeva za dostavljanje ponuda.

#### **Član 2.**

Ova odluka se dostavlja ponuđaču u roku od tri (3) dana, a najkasnije u roku od sedam (7) dana od dana donošenja.

#### **Član 3.**

Ova odluka stupa na snagu danom donošenja.

### **O b r a z l o ž e n j e**

Nakon preduzetih aktivnosti, Komisija za provođenje postupka javne nabavke usluga čišćenja kancelarijskog prostora u Banjoj Luci, (u daljem tekstu: Komisija) je konstatovala da je rok za prijem ponuda u postupku 13.10.2022. godine do 10:00 sati, te da je do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigla jedna (1) ponuda i to ponuđača EUROSAN d.o.o. Banjaluka. Neblagovremenih ponuda nije bilo.

Komisija je prema uslovima i specifikaciji navedenoj u tenderskoj dokumentaciji, a nakon provedenog postupka analize i ocjene ponude, izradila Zapisnik o pregledu i ocjeni ponuda, broj 15-03-16-5-63-17/22 od 13.10.2022. godine, u kojem su detaljno obrazloženi razlozi za poništenje ovog postupka javne nabavke.

U skladu sa navedenim zapisnički je utvrđeno da ponuda ponuđača EUROSAN d.o.o. Banjaluka dostavljena na propisan način u skladu sa zahtjevima iz tenderske dokumentacije. Nakon detaljne analize dostavljene ponude, Komisija je ustanovila da je ponuđač kvalifikovan s obzirom da su dokazi o ispunjavanju uslova za kvalifikaciju



dostavljeni prema tenderskoj dokumentaciji, te da je ponuda prihvatljiva s aspekta oblika, sadržaja i potpunosti.

U postupku ocjene ponude u pogledu cijene Komisija je utvrdila da ponuda ponuđača EUROSAN d.o.o. Banjaluka iznosi 29.925,00 KM bez PDV-a, što sa PDV-om iznosi 35.012,25 KM, a da procijenjena vrijednost nabavke iznosi 20.427,35 KM, što sa PDV-om iznosi 23.900,00 KM. Na osnovu iskazane cijene u ponudi i procijenjene vrijednosti je zaključeno da je dostavljena cijena ponude prelazi iznos sredstava planiranih za predmetnu nabavku, čime su se stekli uslovi za poništavanje postupka javne nabavke.

Imajući u vidu navedeno a po provedenim aktivnostima pregleda i ocjene, Komisija je utvrdila da cijena jedine dostavljene i prihvatljive ponude prelazi iznos sredstava planiranih za predmetnu nabavku, zbog čega je predložila donošenje odluke o poništenju ovog postupka javne nabavke u skladu sa članom 69. stav (2) tačka e) Zakona o javnim nabavkama.

Na osnovu prijedloga Komisije, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja ugovornog organa, a koje se u žalbi navodi kao povreda zakona i podzakonskih akata od strane Agencije u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem ugovornog organa, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).

X



---

DIREKTOR

Dr. sc. Arif Nanić

дигитално потписано / digitalno potpisano / digitally signed  
Signed by: RTRBIC